

Svar

fjármála- og efnahagsráðherra við fyrirspurn frá Helga Hrafni Gunnarssyni um Farice ehf.

1. *Hefur Farice ehf. gert lánasamninga við íslenska ríkið eða stofnanir þess? Ef svo er, er óskað eftir upplýsingum um fjárhæðir þeirra, lánstíma, stöðu lána í dag og til hve langs tíma eftirstöðvar eru.*

Nei, félagið hefur ekki gert lánasamninga við íslenska ríkið eða stofnanir þess.

2. *Hver er staða ábyrgða rikissjóðs gagnvart skuldbindingum Farice ehf. eftir gjaldmiðlum?*

31. desember 2014:

– 5.638.220.620 kr.

– 9.780.294 evrur.

3. *Hvernig hafa ríkisábyrgðir til félagsins þróast árlega frá upphafi í íslenskum krónum?*

Þróun ríkisábyrgða eftir lagningu Danice-strengsins og endurfjármögnun félagsins sem lauk í desember 2010 er eftirfarandi:

– 2010 5,3 milljarðar kr., 12,1 milljón evra.

– 2011 5,5 milljarðar kr., 12,1 milljón evra.

– 2012 5,6 milljarðar kr., 11,7 milljónir evra.

– 2013 5,7 milljarðar kr., 11,2 milljónir evra.

– 2014 5,6 milljarðar kr., 9,8 milljónir evra.

4. *Hvenær er gert ráð fyrir að lán Farice ehf. verði að fullu greidd miðað við núgildandi skilmála og væntingar um afkomu?*

Gert er ráð fyrir að öll lán félagsins, önnur en skuldabréfaflokkur, verði greidd upp fyrir mitt ár 2018. Skuldabréfaflokkurinn, sem er verðtryggður í íslenskum krónum með 5,5% vöxtum, greiðist á næstu 19–20 árum og er síðasti gjalddagi á árinu 2034. Samkvæmt lána-skilmálum er möguleiki á uppgreiðslu flokksins í apríl 2019 og ef sú heimild verður nýtt og skuldabréfaflokkurinn endurfjármagnaður gæti ábyrgð rikissjóðs fallið út.

5. *Hvernig er verðlagningu háttáð hjá Farice ehf. í samanburði við verðlagningu á sömu eða sambærilegri þjónustu erlendis?*

Opinberar verðskrár gefa litla vísbendingu um raunverulega verðlagningu og því erfitt um vik að staðhæfa nokkuð um samanburð á verðlagningu. Sæstrengir eru hins vegar mun dýrari en ljósleiðarar á landi og því ekki óeðlilegt að þjónusta Farice sé dýrari. Félagið leggur sig fram um að koma til móts við óskir viðskiptavina innan þess ramma sem félaginu er fært og í flestum tilvikum hefur náðst niðurstaða.

6. *Hver hafa árleg framlög fjarskiptasjóðs til félagsins verið?*

- 2012 356,3 millj. kr.
- 2013 418,6 millj. kr.
- 2014 396,9 millj. kr.
- 2015 390,0 millj. kr. (ógreitt)

7. *Til hve langs tíma þarf þjónustusamningur fyrirtækisins við ríkið að vera miðað við núverandi ákvæði hans þangað til fyrirtækið verður sjálfbært?*

Miðað við áætlanir félagsins þarf þjónustusamning til ársins 2018.

8. *Hvað hafa íslensk stjórnvöld gert til að laða að fjárfestingu annarra aðila en Farice ehf. í lagningu sæstrengja til Íslands? Hvernig metur ráðherra stöðu þeirra mála í dag?*

Lagning Farice-strengsins og síðar Danice var gerð til að tryggja öryggi fjarskipta milli Íslands og umheimsins. Stjórnvöld komu að þeirri uppbyggingu með eignarhlut í félagi sem stofnað var um það verkefni en það var að öðru leyti í eigu símafyrirtækja og orkufyrirtækja. Ákvarðanir um frekari uppbyggingu gagnatenginga eru háðar því að fjárfestar meti slíkar fjárfestingar arðbærar. Stjórnvöld hafa hins vegar á undanförunum árum unnið að því að gera tilteknar breytingar á umhverfi gagnaveraiðnaðar þannig að það verði betur til þess fallið að laða að frekari uppbyggingu í greininni og auka eftirspurn eftir gagnaflutningum.